



М.Ф. Кокмазов



1934 жылғы
10 қаңтардан
шыға бастады

ҚАЗАҚ ӘДЕБИЕТІ

№ 48
(2886)

26 қараша —
2 желтоқсан
жұма, 2004 жыл

Қазақстан Республикасының әдебиет, мәдениет және өнер газеті

УАҚЫТ - СЫНАП

Өлең іздеу

Ақын-жазушылар Мархабат Байғұт, Темірхан Медетбек, Көпен Әмірбек, Құлбек Ергөбек Шымкент өнірінде болып, оқырмандармен әдеби кештер үйимдастырыады. Жазушылар одағының облыстағы бөлімшесінің жетекшісі ретінде алқалы басқосуларды жергілікті жазушы, осы аймақтың талантты қаламгері Мархабат Алматыдан келген ақындарға алғашқы кезекте сөз береді. Оқырмандар алдында өткір сықтастары мен өзіл-оспақтарын оқыған Көпен жүрттын езуін жиғызбай құлкіге кенелтсе, Темірхан “Манғыстау монологтары”, “Геологтар”, “Үстірт үстінде” секілді өлендерін дүрледіп бірінен сон бірін оқып, жиналғандарды ойға шомдырады.

Осындаған оқырманның бірі Темірханға сұрап кояды:

— Білетіндердің айтуынша, сіз біздін Түркістанда туыпсыз. Со-нау киянда, жер түбінде геологтармен бірге біраз жыл жүріпсіз. Сонда не ізденінің жақтан?

— Иә, бірнеше жыл геологтар сапында Манғыстау үстін ерсілі-карыны шарладық. Геологтар кен іздесе, мен өлең ізденім, — деген екен Темірхан риясыз құліп.

Рас. Тың тақырып... Тосын идея... Жаксы өлең... Онаи тумайды. Алтын ізdegенмен бірдей-ау!

Орындалмаган “аманат”

Белгілі журналист, публицист Ұзак Бағаев “Социалистік Қазақстан” газетінде редактор болып қызмет істеп жүрген кезінде: “Журналист болма деп баламның баласының баласына айтып кетем” — деген сөзді жи айтатын көрінеді.

Көзін журналистикамен ашқан, саналы ғұмырын газеттің ыстық-сұзығына арнаған Ұзекеннің бұл сөзі журналист көсібін кемсітуі емес, керінше, оның азабы мен қыншылығы мол мамандық екендігін мегзесе керек. Бірақ Ұзекеннің ұлы, ақын Ерұлан Бағаев та журналистика факультетін бітіріп, “Жазушы”, “Қазақстан”, “Ғылым” баспаларында қызмет істейді. Баспасөз саласында да өзіндік колтандасымен танылған қаламгер еді.

Тәнкі женеше

Үнемі құліп, үнемі құлдіріп жүретін, сөйтіп манаудына шуак үйіріп жүретін танымал сықақшы-жазушы Есенжол Домбаев аз уақыт “Қазақстан әйелдері” журналында қызмет атқарған кезінде “Егементе” жи бас сұғаттын. Қебіне қысыр әңгіме іздел емес, жігіттермен бірер партия шахмат ойнауға келетін тәрізді. Шаршы тақтада шайқасып отырып інілерінің екі езуін жиғызбайтыны және бар.

— Тәнкі женешем журналға жұмыска уақытша алдығой. Боссын деген күні кете беремін, — деді Есаған кезекті жүрісін жасап.

— Кімді айтып отырысыз. Түсінбедік кой.

— Алтыншаш апаларынды айтамын да. Жағанованы белетін шығарсындар, айналайындар. Әнес Сараев ағаларынцың жолы үлкен. Сондыктан мен апаларынды женеше деймін. Теледидардан өздерін көрдіндер. Жоғарғы Кенестін сессиясында калай сөйледі менін депутат женешем. Тура тәнкідей жапырды емес пе.

— Иә, көрдік...

— Өзгелердің пікірін мұлдем өзгерпіл жібердіғой.

— Эй, Есаға-ай, сіздін ойлап таппайтыныңыз жок. “Тәнкі женеше...”. Өте дұрыс айтасыз.

Шахмат сайсын тамашалап түрған журналистер бірін-бірі кеү-кеуlep кетті.

Мырқым бір төбе...

Газетте істейтін журналистер негізінен үш топқа бөлінеді. Алғашқысына құні-тұні тынбай қалам сілтейтін “ак мылтық” жазғыштарды жатқызсақ, екінші топты канша жаса да есімін көп жұрт біле бермейтін салбексе журналистер құраса керек. Ал, соңғылар санатына жазбайтын журналистер кіреді. Басылым бастыктасты мен бағасын да түрліше сипаттаған. Мәселен, Қызылорда облыстық “Сыр өнірі” газетінің редакторы болып отырғанда көрнекті публицист-жазушы Ұзак Бағаев лездемеде өзінін жазғыш журналисі Мырқы Исаев туралы аса сүйсіне былай депті:

— Мырқым бір төбе, қырқын бір төбе.

Редактордың бұл бағасына ешкім ауыз ашпапты. Әншайінде сөзуар көрінетін журналистердің еш уәж айтпауда да белгілі. Өйткені, заманында қызылордалық бесасап азулы журналист Мырқы Исаевтың аты-жөнін бүкіл Қазақстан жаксы билетін.

Қаулысыз-ақ лауреат

Әмір — бәйге. Ал, көмбеге әркім әркілы жолмен, әркілы жағдайда жетеді. Көп ретте сол көмбे төбесін көре алмай, орта жолда шан қауып жататындар да жыртылып айырылады. Қарауыл төбеге алқынбай суырылып дара келетіндер де, әкпесі өшіп сырлылдан зорға ілінетіндер де бар. Яғни, әйгілі Расул Фамзатовша бейнелеп айтсак: “Шың басына самғап қыран да жетеді, жыбырлап жылжып жылан да жетеді”. Бұл құнде не көп? Сыйлық көп! Мемлекеттік, республикалық, халықаралық, әмірден өткендердің, жеке қалталылардың, дөкей алпауттардың... сыйлыктары.

Қысқасы, Магауинше жеткізек, “жалпақшешейлік сыйлыктар” каптап кетті. Тек, оның иелерін дер кезінде, дөп басып анықтаған абзal.

Осындаған мөртебелі сыйлыққа атакты ақын Иран-Файып (Иранбек Оразбаев) үшінші мөртебе үсынылғанда қолына қалам үстағандарды былай койғанда, жыр сүйер, әдебиеттен сөүлесі бар үлкен-кіші ерекше елденескен. Сырт көз — сиңшы. Несіне бүгежектейміз. Сүйікті ақындары — Иран-Файыпты етжақын бауырларынан кем көрмейтін көпшілік оның бәйге төрінен көрінетініне шұбасіз еді. Алайда... Тағы да құлады. Ақиқатында — құлатты. Оқырмандары, тілеулестері, серіктестері сенбеді... Өлең танитын, сөз танитын қазак мұжілмеді. Себебі...

“Егеменнің” телетайпина түскен комиссия шешіміне үнілген қаламгерлер Мынбай Ілес, Мамадия Жакып, Әділ Дүйсенбек, Әбді-Әзиз Алдаберген үәделесіп алғандай бірауыздан:

— Иранбек бәрібір — лауреат! Бұғінгі заманынды Батыраштары канша сүріндіргенімен Иран-Файыптың өлеңін өшіре алмайды. Қатырма қағазсыз да, қаулысыз да, Ол — лауреат!

Әншайінде әдебиет төнірегінде әңгіме өрбігенде үшке, екіге жарылып, дай-дай болып, қызылкенірдектесетін қаламдастар ойы бұл жолы бір арнаға құйылып жатты. Сирек құбылыс.